

D'r Nagglmaier.

Die Schweizer kriche e gut Johr! Daß schun im Monat Februar, wie heier, 85,000 Fremde uff een Schlag bei'n ankumme, dirste se doch noch kaum erlebt hawe. No, ich g'unn se'n. Warum solle unser Schweizer Freund, wo aweil Jeder sein Schnitt zu mache sucht, leer ausgehn! — Awer deß misse mer'n aah noch noch sage — die Schweizer leewe wie Brieder unnernanner. Wie briederlich dheelen se sich in die 85,000 Fremde, die se iver Nacht kriecht hawe. E jed „Candoule“ kriecht sein Portion davun. So is 's recht. Norr Eintracht, ihr Schweizer, wann eich der neischte Fremde b'such aah nir eindragt. — Unser Freund Garibaldi herngege loht in letschter Zeit gar nir mehr vun sich heere. Der scheint noch immer uff seine Dijoner Lorbeere auszuruhe, un Broklamatione iver die deutsche Barbare zu verfasse, die'n doerunne so lang an d'r Naas rumg'siehet, biss'r sich rickwärts konzentriert, sunscht wär'm d'r alte Mandeisl siewe Fuß uff de Leib kumme. — Nach unser Freund Dän dhut aweil, als hätt'r sein Lebtag ke bees Maul g'hatt. Bumb'sch still iss'r worre. No, er werd misse warum! — Dagege sucht uns unser Freund Engländer seit mer die Bataillie gewunne hawe, alle Dag mehr seiner uffrichtige Freindschaft zu versichere. — Es is doch e schenni Sach, Männer, so iveraal sein Freund zu hawe. — Wo wäre mir Deitsche in dem Krieg hinkumme, wann uns die eirobäisch Freindschaft nit so unterrichtet hätt. — No, aus'm Kopp. D'r Handl werd jetzt hoffentlich ball fertig sein. Ich free mich schun eweit uff die Heidelberger Friedensillumination! Wann mer uns noch an die Heidelberger Bariser Zwergabsfeier erinnere, so dirste mer uns vunnere Heidelberger Friedensfeier gewiß aah die scheenschte Hoffnungen mache. Mein Fraa werd ewefalls ihr Scherlein dazu beidrage, un zwar deßmool uff e praktisch Art. Deß Geld, sagt se, mit dem ma vielleicht bei dem Friedensfest die Schloßruin drome beleichte will, wolle mer deßmool schbare un d'r deitsche Invalideschiftung zuweije. Davor will



ich mich uff de Mark schtelle un als Ruin mit benfalisch Feier beleichte losse. — Nach nit iwil, Männer! Mein Fraa als Ruin. Wann die G'schäfte iverigens sofort gehn, kann ich mich ball ewefalls als abgebrannter Schloßstiggel beleichte losse. Mein Haushaltungsbittschee werd immer greeker, un mein Einnahme werre immer kleiner. Ich muß mich emool an de Bismark wenne, ob mein G'schäftsverlust während dem Krieg nit ewefalls in de Bariser Friedensbedingung vor-g'sehe werre kann. — Wann ich iverigens widder emool uff die Welt kumm, werr ich Metzger, Becker, odder Werth! Die Zeit bleime nit halte, es mag gehn wie's will. Ofondrolleer. Der Krieg hott gewiß aah in Heidelberg manchem aus der G'schäftsbransch als Millioneer uff die Kanoneschtiffel g'holse. Ich kenn mein Zeit — mit un ohne Kapitalschreier. Un wann der Handl dodrime in Frankreich widder Erwarte nooch'm Waffeschtilschstand nochemool loosgehn sollt, kriche mer noch e paar Heidelberger Armeelifferantemillioereer dazu, deß meege ich heit schun brofezeihe. — Mit Brofezeihunge soll ma sich zwar heitzudag nit mehr abgene, dann all unser Brofezeihunge sinn seit letschter Zeit zu Schande worre. Per Exempl: Noch vor'me halwe Johr hott's allg'mein g'heeke: Wann der Napoleon norr e eenzigi Schlacht verliert, odder aah norr nit gleich vun Anfang an e grofi gewinnt, iss'r verlore! Un er hott mehr wie een Schlacht verlore, un halt sich heit noch nit verlore, sondern hockt uff Wilhelmshöhe, wart uff besser Weiter, un macht alle Morge 's Fenschter uff, un siedert die Veggl mit Brodkrumme. Er soll's, beileifig g'sagt, emool mitem Hund browiere, ob'm noch eener e Schtick abnimmt. — Dann is brofezeiht worre: Wann Baris emool zernirt is, halte die genueß- un neigkeitslichtige Bariser den Zustand ke verzehn Dag aus. Un die Bariser hawe's ausg'halte: 4 Monat un 8 Dag! — Dann hott's g'heeke: Wann Frankreich heit e Reubublik is, do hawe mer morge die Reubublik in Schbanie, ivermorge die Reubublik in Idalie, un die neechst Woch die Reubublik in Deitschland. — No, Frankreich is e Reubublik worre, un Schbanie hott sich im Gegedheil en Keenig g'holt, die Idaliener hawe ihrn alte Victor geb'hatte, un Deitschland is vorderhand aah miteme deitsche Kaiser zufriede. — Wo bleime also all die Brofezeihunge, die mer hinner de Bier- un Weingläßer so oft g'heert hawe? Drum sag ich: Norr nit brofezeiht! Heeschtens wette! Un aah deß norr mit dem Vorsatz: nir zu bezahle, wie's aweil Moode is.

Sunscht nir Neues vun Kriegsschaublag, Männer. Unser deitsch Hauptquartier segt: Ihr habt Siegesdepeße jetzt genug iver de Rhein g'schickt kriecht, jetzt wolle mer emool drei Woche ausruhe. — Un die Ruh is unsere Soldate gewiß zu genue, Männer. E halb Johr im Pulverneewl runmarschiere un oft ke ganz Hemm mehr am Leib, deß is e bissl mehr, als alle Morge in d'r Elfuhrmeeß de deitsche Feldzug hinnerm halwe Schoppe kritisiere. Ich kenn mein Zeit!

Druck und Verlag von G. Weisendörfer.